

# LA SUNO HISPANA

Direktoro-Administranto ★ Director-Administrador

**RAFAEL DUYOS**

CIRILO AMORÓS, 28 — VALENCIA

La Redakcio korektos la manuskriptojn laŭbezone, kaj la nepresitajn ĝi ne resendos

**ENHAVO:** Lia Reĝa Moŝto Alfonso XIIIª. — Tra la hispana ĵurnalaro. — Direktaj Komitatoj por 1909. — Hispana Societo p. p. Esperanto, Burgos (Cirkulero). — Se mi sciis skribi! .. — Gravaj avizoj — Esperantista Surnura Kalendaro por 1910ª. — Grava afero. — Memorindaj Datrevenoj de Aprilo. — Pensoj. — Sciĝoj. — Spritludoj kaj Diversaĵoj. — Anoncoj.

## Lia Reĝa Moŝto Alfonso XIIIª

oficiale akceptis la altan patronadon de la Vª Esperantista Kongreso



### Tra la hispana ĵurnalaro

Antaŭ nelonge efektiviĝis feliĉa pro-  
vo pri propagando tra la hispana ĵurna-  
laro.

La Burgos' aj ĵurnaloj «El Castellano»  
kaj «Diario de Burgos» publikigis propa-  
gandan artikoleon pri la 5ª Kongreso  
de Esperanto en Barcelono kaj ĝia bela  
festo de Internaciaj Floraj Ludoj. La fe-  
liĉa artikoleto rondiris preskaŭ la tutan  
landon hispanan tra la provinca ĵurnalaro.  
La artikolo estas jena:

#### «La lingvo Esperanto kaj la Floraj Ludoj

Tiu ĉi fama festo, tiel hispana, tiel  
bela, kaj tiel simpatia, universahĝas, pre-  
nas naturecan karton en la universalaj  
kongresoj de Esperanto per la nomo «In-  
ternaciaj Floraj Ludoj».

En la Universala Kongreso de Espe-  
ranto, kiu okazos en Barcelono de la 5ª  
ĝis la 11ª de la unuevenonta Septembro  
efektiviĝos la unua festo de Floraj Ludoj  
Internaciaj, kaj en la postevenontaj kon-  
gresoj ĝi restos kiel unu el la plej belaj  
kunmetaĵoj el iliaj programoj.

### A través de la prensa española

Recientemente se ha verificado un en-  
sayo feliz de propaganda á través de la  
prensa española.

Los periódicos de Burgos publicaron  
un suelto de propaganda acerca del  
próximo Congreso Universal de Esperan-  
to en Barcelona, y de los Juegos Florales  
que con tal motivo se han de verificar,  
que dice textualmente:

#### «El Esperanto y los Juegos Florales

Esta culta fiesta, tan española, tan  
bella y tan simpática, se universaliza,  
toma carta de naturaleza en los Congre-  
sos universales de Esperanto con el nom-  
bre de «Internaciaj Floraj Ludoj», (Jue-  
gos Florales Internacionales).

En el Congreso universal de Espe-  
ranto que se ha de verificar en Barcelo-  
na, desde el 5 al 11 de Septiembre, se  
celebrará la primera fiesta de Juegos Flo-  
rales, y en Congresos sucesivos quedará  
como uno de los más bellos números del  
programa.

Plie la klasikaj temoj de tiu ĉi festo, alkonformigitaj al ĝia internacia mieno, oni proponis aliajn multajn temojn eksterordinaranjn kun premioj de societoj, korporacioj, kaj eminentaj personoj, kiuj honoris kun siaj famaj nomoj; tiun ĉi kulturalan feston, inter kiuj estas iliaj Majestad Moŝtoj la Gereĝoj de Hispanujo, lia Moŝto la hispana Ministro de Enlandaj Aferoj, lia Moŝto la Rektoro de la Barcelona Universitato, lia Moŝto la Episkopo de Urgel, Barcelona deputataro, k. c. k. c. ĝis 41 temojn kaj premiojn.

La 5<sup>a</sup> Universala Kongreso de Esperanto en Barcelono certe estos granda sukceso.»

La ĵurnaloj kiuj publikigis hispane la tradukitan artikoleton estas:

*Alicante*, Diario de Alicante; *Almería*, La Independencia, Crónica Meridional, La Lucha y el Radical; *Avila*, Heraldo, Mercantil, Diario de Avila; *Bilbao*, La Gaceta del Norte, El Liberal, El Nervión, El Noticiero Bilbaino y el Porvenir Vasco; *Burgos*, Diario de Burgos y El Castellano; *Cáceres*, El Noticiero; *Cádiz*, Diario de Cádiz y La Dinastía; *Ciudad-Real*, El Diario de la Mancha; *Coruña*, El Eco de Galicia; *Cuenca*, El Correo Católico y El Progreso Conquense; *Gerona*, Diario de Gerona y La Lucha; *Granada*, El Noticiero Granadino; *Huesca*, Diario de Huesca; *Jaén*, La Lealtad; *Leon*, Diario de León y León de España; *Lugo*, El Regional, La Idea Moderna, El Progreso y El Norte de Galicia; *Murcia*, El Liberal y La Verdad; *Orense*, El Miño; *Oviedo*, El Correo de Asturias; *Palencia*, Diario Palentino y El Día de Palencia; *Palma de Mallorca*, La Última Hora; *Pamplona*, El Diario de Navarra; *Pontevedra*, El Diario de Pontevedra; *San Sebastián*, La Voz de Guipúzcoa; *Santa Cruz de Tenerife*, Diario de Tenerife y El Tiempo; *Sevilla*, El Correo de Andalucía y El Liberal; *Segovia*, Diario de Avisos; *Soria*, Avisador Numantino; *Teruel*, Noticiero Turulense; *Valencia*, La Voz de Valencia; *Valladolid*, El Norte de Castilla, Diario Regional y El Porvenir; *Vitoria*, La Libertad; *Zamora*, Heraldo de Zamora; *Zaragoza*, El Noticiero, Diario de Avisos y Heraldo de Aragón.—Total: Provincias, 34; Periódicos, 58.

Además de los temas clásicos de esta fiesta, adaptados a su carácter internacional, se han propuesto otros muchos extraordinarios con premios de sociedades, corporaciones y personalidades eminentes que han honrado con sus esclarecidos nombres esta culta fiesta, entre los cuales figuran Sus Majestades los Reyes de España, el señor ministro de la Gobernación, el rector de la Universidad de Barcelona, el señor Obispo de Urgel, Diputación de Barcelona, etc., etc., hasta el número de 41 premios que figuran en total.

El Congreso universal de Esperanto en Barcelona promete ser un completo éxito.»

El suelto copiado ha sido reproducido por los periódicos que por provincias se indican a continuación:

## Direktaj Komitatoj por 1909

*Esperantista grupo Medina*, de Medina del Campo.

Prezidanto honora, D.<sup>ro</sup> Zamenhof.—Prezidanto, S.<sup>ro</sup> Federico García Díaz.—Viceprezidanto, S.<sup>ro</sup> Francisco Román Pérez.—Kasisto, S.<sup>ro</sup> Fernando Gómez Franco.—Bibliotekisto, S.<sup>ro</sup> Eudaldo Martínez de Bourio.—Sekretario, S.<sup>ro</sup> Marcelo Lorenzo Plaza.—Vicsekretario, S.<sup>ro</sup> Julian Fernández Molón.—Voĉdonantoj, S.<sup>roj</sup> Serafín Pérez Alvarez, José Calvo Recio, Santos Gutiérrez Garoz, Maximiliano Alonso Franco, Juan Gómez del Toral, Pedro Sáez Sáez, Emiliano de Oyáguéz Martín y César Martínez Yañez.

Konsulo de Esperanto, S.<sup>ro</sup> Federico García Díaz, Padilla, 27.

*Esperantista Klubo Palma*, de Palma de Mallorca.

Prezidanto, S.<sup>ro</sup> Antonio Rosselló Gómez.—Vicprezidanto, S.<sup>ro</sup> José Auba, pastro.  
—Sekretario, S.<sup>ro</sup> Mateo Bosch Lansó.—Vicsekretario, S.<sup>ro</sup> Francisco Barceló Caymari.—Kasisto, S.<sup>ro</sup> Gabriel Alomar Ferragut.—Bibliotekisto, S.<sup>ro</sup> José Rosselló Ordinas.—Voĉdonantoj, S.<sup>roj</sup> Bartolomé Font, pastro, kaj Bernardo Rebassa.  
Konsulo de Esperanto, S.<sup>ro</sup> Gabriel Alomar Ferragut, Vallorí, 14.

\*\*\*

*Burgosa Esperantista Centro*, de Burgos.

Honora Prezidanto, S.<sup>ro</sup> Manuel Esteban.—Prezidanto, S.<sup>ro</sup> Emilio Sanz Cruzado.  
—Vicprezidanto, S.<sup>ro</sup> Antonino Zumárraga.—Sekretario, S.<sup>ro</sup> José Santos.—Vicsekretario, S.<sup>ro</sup> Juan A. Martínez.—Kasisto, S.<sup>ro</sup> Santiago Mira.—Bibliotekisto, S.<sup>ro</sup> Lorenzo Lámbarri.—Voĉdonantoj, S.<sup>roj</sup> Samuel Oñate, Emeterio Alonso y José Roira.  
Konsulo de Esperanto, S.<sup>ro</sup> Teófilo Martínez.

\*\*\*

*Grupo Paco kaj Libereco*, de Barcelono.

Prezidanto, S.<sup>ro</sup> Isidro Canudas.—Sekretario, S.<sup>ro</sup> Ramón Giralt.—Kontisto, Fino. María Martínez.—Kasisto, S.<sup>ro</sup> Narciso Vidal.—Bibliotekisto, S.<sup>ro</sup> Juan Gebali.—Voĉdonantoj, S.<sup>roj</sup> José Vidal kaj Enrique García.

\*\*\*

*Grupo Polusa Stelo*, de Alcañíz.

Prezidanto, S.<sup>ro</sup> Nicasio Dominguez, Rektoro de la Piaĵ Skoloj.—Vicprezidanto, S.<sup>ro</sup> Modesto Millán.—Sekretario, S.<sup>ro</sup> Juan Antonio Andreu, sekretario de la juĝantaro.—Kasisto, S.<sup>ro</sup> Pablo Morencos, komercisto.—Voĉdonantoj, S.<sup>ro</sup> Francisco Sales, prokuzisto, Fino. Ramona Andreu kaj S.<sup>ro</sup> Mariano Betés, komercisto.



## HISPANA SOCIETO

POR LA PROPAGANDO DE

## ESPERANTO

CIRKULERO

Burgos, 26 Marto de 1909.

Al niaj kunsocietanoj:

Laŭ propono de la juselirinta Direktanta Komitato, tiu ĉi Societo bonvolis meti ĉe niaj manoj la honoran kaj plaĉan, sed malfacilan rolon, kiun tiel inde kaj saĝe tiu plenumadis.

Tia distingeco, tiel notinda, kiel eble nemeritita, kiun ni tutkore estimas kaj sincere dankas, nin devigas unue turni solene nian plej korinklinan saluton al la hispana esperantistaro, kies bonvoleco tiom nin honorigas, tial ke ĝi lokigas niajn humilajn nomojn antaŭ la jam feliĉe multenombra nomaro de la hispanaj esperantistoj.

La ĉefa tasko, kiun altrudas al ni tiu honorkomiso, estas seniadube rebonigi iujn sengravajn organizajn senperfektaĵojn, kiujn tre diskrete rimarkis per ĝiaj lastaj numeroj nia gazetorgano LA SUNO HISPANA. Al tiu celo ĉefe estas alkondukota do nia penado, kaj ni ne ŝarceliĝas certigi ke niaj klopodoj laŭ tia direkto estos kronataj de la plej plaĉiga sukceso, ĉar ni kalkulas sur la decida helpo de ĉiuj niaj amikoj, sen kies grandvalora kunhelpado, kiun de tiu ĉi momento ni petegas, estus sentaŭgaj niaj fervoraj intencoj.

Plej plezure ni akceptos kaj tutamente studos la observojn kaj iniciativojn, kiuj estos al ni turnitaj de niaj samcelanoj; ni ankaŭ zorge pripensos la decidojn, kiujn ni estos alprenontaj, kaj ni prokuros antaŭ ĉio kaj super ĉio defendi la bonegan harmonion nune regantan inter la diversaj organismoj esperantistaj kaj inter iliaj membroj farante kiel eble plej multe por pligrandigi kaj fortikigi la vicojn de tiu ĉi nia amata anaro, alportante tiamaniere nian sableron al la bela kulturfaro de universala kunfratigo sindoneme komencita de nia glora Majstro kaj estimata estro, D.<sup>ro</sup> Zamenhof.

Baldaŭ ni honorigos submetante al la aprobo de ĝenerala voĉdono la reformojn, kiujn ni kredas konvenaj por nia afero, ĉiam kun interkonsenta decido de la eminentaj esperantistoj, kiuj nin antaŭiris en tiu ĉi entrepreno de universala kulturo kaj propagando, sen kies entuziasma kunlaborado oni neniam povas atendi je niaj malgrandaj fortoj.

Vivu la kara lingvo Zamenhofkreita!

*La Prezidanto*, Manuel Esteban.—*La Viceprezidanto*, Rafael Mejorada.—*La Kasiso*, José Santos.—*La Voĉdonantoj*, Rogelio Pérez, Juan Antonio Martínez, Vicente Alonso, Carlos Duquesnay, José Sarmiento, Fermín Fernández, Celestino Merino.—*La Sekretario*, Ignacio Casas.

## SOCIEDAD ESPAÑOLA

PARA LA PROFAGANDA DE

## ESPERANTO

CIRCULAR

Burgos 26 de Marzo de 1909.

A nuestros consocios:

A propuesta de la Junta Directiva saliente, esta Sociedad se ha servido poner en nuestras manos el honroso y grato, pero difícil cargo, que aquélla tan digna y acertadamente venía desempeñando.

Esa distinción tan señalada como acaso inmerecida, que de todo corazón estimamos y sinceramente agradecemos, nos obliga en primer término á dirigir solemnemente nuestro más afectuoso saludo á todos los esperantistas españoles cuya benevolencia tanto nos enaltece, poniendo nuestros modestos nombres al frente de la ya felizmente nutrida lista de nuestros compatriotas esperantistas.

La principal tarea que nos impone ese honroso cometido, es sin duda alguna la de subsanar ciertas deficiencias de organización que muy discretamente ha señalado en sus últimos números nuestro órgano en la prensa LA SUNO HISPANA. A ese fin, pues, ha de encaminarse principalmente nuestra gestión, y no vacilamos en asegurar que nuestros esfuerzos en ese sentido serán coronados por el éxito más lisonjero, contando como contamos con el decidido apoyo de todos nuestros amigos, sin cuya valiosa cooperación, que desde este momento solicitamos, de poco habrían de servir nuestros fervientes propósitos.

Con el mayor gusto acogeremos y estudiaremos con toda atención las observaciones é iniciativas que se nos dirijan por nuestros colegas; meditaremos también cuidadosamente las decisiones que hayamos de adoptar y procuraremos ante todo y sobre todo mantener la excelente armonía que actualmente reina entre los diferentes organismos esperantistas y entre sus miembros, haciendo cuanto posible sea por engrandecer y robustecer las filas de esta nuestra amada Sociedad, aportando de este modo nuestro grano de arena á la hermosa obra de cultura y fraternidad universal, generosamente comenzada por nuestro insigne maestro y estimado jefe Dr. Zamenhof.

En breve plazo tendremos el honor de someter á la aprobación de la Junta general las reformas que creemos beneficiosas para nuestra causa, de acuerdo siempre con los esperantistas eminentes que nos precedieron en esta empresa de propaganda y de cultura universal, sin cuya entusiasta cooperación nada se puede esperar de nuestras débiles fuerzas.

¡Viva la querida lengua ideada por el Dr. Zamenhof!

*El Presidente*, Manuel Esteban.—*El Vicepresidente*, Rafael Mejorada.—*El Cajero*, José Santos.—*Los Vocales*, Rogelio Pérez, Juan Antonio Martínez, Vicente Alonso, Carlos Duquesnay, José Sarmiento, Fermín Fernández, Celestino Merino.—*El Secretario*, Ignacio Casas.

## Se mi scius skribi!...

(EL RAMÓN DE CAMPOAMOR)

### I

—Al mi skribu leteron, sinjor' pastro.  
—Mi ja scias: por li.  
—Ĉu vi lin konas, ĉar en nokt' malluma  
Nin kune vidis vi?  
Pardonu, sed... —Afero komprenebla.  
La nokto... ampropon'...  
Donu plumon, paperon. Mi komencas:  
*Mia kara Ramon:*  
—Kara?... Sed vi jam estas ĝin skribinta.  
—Ĉu vi ne volas?... —Jes.  
—*Sen vi mi sentas malgajecon...* —Certe.  
*Malgajecon sen ĉes!*  
—*Kun korprem' mi komencas...* —Kiel scii  
Vi trafas pri dolor'?  
—Por maljunul' kristalo ĉiam estas  
La junulina kor'.  
*Kio sen vi mond' estas? Malĝojo.*  
*Kaj kun vi? Nur eden'.*  
—Tion legeble skribu, sinjor' pastro,  
Por plej bona kompren'.  
—*Kiam mi kisis vin kaj vi foriris...*  
—Vi ankaŭ scias ĝin?...  
—Kiam oni tre amas kaj kunestas...  
Ne hontu, ne, knabin'.  
—*Kaj se pro am' ne penas vi reveni,*  
*Tia granda sufer'...*  
—Sufer'? Nenio pli? Ne, sinjor' pastro,  
Mi mortos sen esper'.  
—Morti? Ĝi estus ofendeg' al Dio...  
Jes, jes, morti por li!  
—Mi ja ne skribas *morti*.—Vir' senkora!  
Se skribi scius mi!

### II

Sinjoro pastr', sinjoro pastr'! Vi vane  
Penas komplezi min,  
Se ne skribas l' esencon via mano  
De mia am' sen fin'.  
Ho skribu al li, per Di' ke l' anim' mia  
El mi sin tiras for;  
Ke senĉese ĉagren' ne min sufokas,  
Ĉar helpas al mi plor'.  
Ke miaj lipoj, roz' de lia spiro  
Ne malfermiĝas plu,  
Forgesante la movon de la rido  
Pro dolora influ'.  
Ke l' okuloj por li nur tiel belaj  
Kun dezirega prem'  
Ĉar neniu en ili nun sin vidas,  
Ĉiam sin fermas mem.  
Ke por mi plej kruela turment' estas  
Lia restado for;  
Ke songante mi aŭdas lian voĉon  
Kun rav en ĉiu hor'...  
Ke pro li suferante mia koro  
Ĝojas kun ambri'...  
Al li kiom da aferoj mi ja dirus  
Se skribi scius mi!...

### EPILOGO

Mia Di'! Brava am'! Mi la leteron  
Finas; *Al don Ramon'...*  
Por tio scii grekan, nek latinan  
Ne montrigas bezon'.

## GRAVAJ AVIZOJ

1.<sup>a</sup> Oni plikarige petas al ĉiuj sinjoroj sekretarioj de grupoj aŭ kluboj aliĝintaj al *Hispana Societo*, ke ili bonvolu sciigi, kiel eble plej baldaŭ, al tiu ĉi Sekretariejo, per poŝtkarto adresota *strato Puebla, num. 23, Burgos*, iliajn respektivajn adresojn aŭ loĝejojn, kaj ankaŭ tiujn de iliaj sinjoroj Prezidantoj. Antaŭdankon.

2.<sup>a</sup> Dume alvenos la momento enigi alian plisenbaran procedon por monkokolekti la ĉiujaran kotizaĵon difinitan al ĉiu societano, oni same petas al tiuj kiuj ne ankoraŭ estus pagintaj tiun nunjaran, ke ili havu la bonecon ĝin efektiviĝi sen prokraste per la plej facila kaj oportuna rimedo, ekzemple, per hispanaj poŝtmarkoj sendotaj ĉu al tiu ĉi Sekretariejo mem, ĉu al S.<sup>ro</sup> José Santos, kasisto, kies adreso estas jena: kaptano el la Infanteria Regimento de la Lealtad, numero 30, Burgos.

La Sekretario,  
IGNACIO CASAS.

## Esperantista Surmura Kalendaro por 1910a

Devizo: Neniu tago sen Esperanto

### GESAMIDEANOJ

Subskribinto havas la plezuron informi vin, ke li preparas la eldonon de *Esperantista Surmura Kalendaro por 1910*. Ĉiutaga kalendaro estas novaĵo en la historio de Esperantismo; pro tio mi ne volas eldoni ĝin, antaŭ ol mi scias viajn diversajn konsilojn, dezirojn kaj proponojn, rilate al tiu-ĉi kalendaro, por ke ĝi iĝu laŭ la gusto de l' granda plimulto el vi.

Ŝildo havos amplekson da  $25 \times 32$  centimetroj; ĝi estos bele kolorpresata, reprezentante Esperantan simbolon, laŭ desegnaĵo de sperta desegnisto.

Bloketo havos amplekson da  $8 \times 12$  centimetroj: oni povos forpreni ĉiun folieton, sen difektado.

La antaŭa flanko de l' folietoj surhavas la nomon kaj cifron de l' tago, la nomon de l' monato, kaj kelkajn liniojn por rememordatoj, devizoj, proverboj k. s.

La postflanko de l' folietoj surhavas bonan prozon aŭ poezion.

Ne necese diri, ke la enhavo estos tute neŭtrala, tiel ke ĉia Esperantisto povos aprobi kaj ŝati ĝin.

La prezo de l' tuta kalendaro-afrankite ĉien-estos nur 60 spesdekoj aŭ 6 internaciaj respondkuponoj, kun speciala rabato por kluboj k. c. Cetere el la unua 100<sup>o</sup> da mendintoj (ekster Nederlando), ĉiu ricevos artan objekton el mia patrolando.

Mi alvokas ĉiun, kiu havus ion por konsili, deziri aŭ proponi por la bona aranĝo de l' kalendaro, kiel eble plej baldaŭ sciigi tion al mi.

Ĉar la kalendaro estos presata kaj ekspedata en la komenco de Novembro, mi avertas, ke por mendoj venintaj post Oktobro, mi ne povos garantii la liveradon.

Kun samideanaj salutoj,

J. L. BRUIJN, 170 *Keplerstraat*,

HAGO (Nederlando).

Aprilo 1909<sup>a</sup>.

D.<sup>ro</sup> L. Zamenhof, S.<sup>ro</sup> N. P. Evstifěieff (Bulgarujo) kaj S.<sup>ro</sup> Dreves Uitterdijk (Nederlando) deziris al mi bonsukceson kaj promesis kunhelpon. Nia Majstro jam sendis poemeton.

vivas feliĉa en la nesia hejmo. Nu, ĉio estas nur efiko de Mario, sen ŝi ni estus pli incitintaj nian venĝemon. Dio scias, ke ni estus por ĉiam malpacintaj! Mi konas mian karakteron, mi konas la vian .. Mario faris, ke ni estu, fine, fratoj. (*Ĉirkaŭprenas lin*).

Joz. Ŝi tre simpatiis kun vi!

EMAN. Ŝi amuziĝas aŭdante la rakontojn pri miaj vojaĝoj.

Joz. La vojaĝoj entuziasmigas ŝin. Antaŭlonge mi promesis al ŝi konduki ŝin en Parizon, Londonon, Italujon... vojaĝon tra Eŭropo. Sed miaj aferoj kaj mia farto ne permesis, ke mi al ŝi plenumu la promeson.

EMAN. Nu, vi ja devus fari tian vojaĝon. Veturadi kun kara estaĵo kredeble estas tre rave! Por persono sola, ĉio surhavas ian melankolion en fremda lando.. Ju pli estas grandioza la pejzaĝo, ju pli mirinda la arta verko, des pli ĝi nin premeigas per sia grandiozeco!... Solaj antaŭ tia belgrandeco, pigmeoj kontraŭ la grandiozeco!... Sed du amantaj gekoroj, duone ĝuante la admiradon, en dolĉa amgustumado, kiel framdaĵo samtempe mordita de du amantaj gebuŝoj, pli pro la ŝato al ŝmaco, ol al frandaĵo!... Ne, ne estas grandiozaĵo, nek superbelaĵo kapablaj ilin premeigi. La malavarbela panoramo de la Naturo, la superravaj malfuŝaĵoj de la Arto... fono akcesora, ornama por ili de io alia pli granda, pli superbela, ol Arto kaj Naturo... La amo, kiu tremetbatas en iliaj elravitaj animoj.

Joz. Bone, frato, bone! tiun komparon vi ne faris parkere. Multe vi estas vojaĝinta sola... Sed, nu, iun vojaĝeton vi faris akompanate, en dolĉa

amgustumado, kiel vi diras. Estas aferoj, kiujn oni ne povas bone esprimi, ne provinte ilin.

EMAN. Provi ilin? Jes!... Sed ĉe ni estas du vivoj, ĉiam paralelaj. Unu, kiun ni vivas, teksaĵo de la hazardo kaj destino, en kiu ni estas ludiloj de cirkonstancoj, de okazoj neantaŭviditaj, neeviteblaj... Alia, kiun ni revas, trakomunikilo de lumo, kiun la imagado malfermas al aliaj mondoj, kie ni estas superaj al la fatalo de nia destino, kie la teksaĵon de nia vivo oni teksas per fadenetoj de ĉiukolorbrila lumo. Kio en tiu ĉi dua vivo nin frapas, pro sia senkorpeco kaj neesprimebleco, ĝi lasas tiel fundan sentaĵon, kiel tio, kio nin frapas en la unua... kaj el ambaŭ, pli bona estas la imagita, ol la travivita.

Joz. Tia poezia idealeco ne sidas malbone ĉe negocisto. Kaj oni diras, ke la nombroj elsekigas imagadon!

EMAN. Tio estas, ĉar la nombroj manuzitaj de mi, estis kiel vastega havo da rimoj manuzita de poeto. La nombroj havas ankaŭ sian poezion, kiam ili obee alkuras por esti matematika aserto de la povoplena pensado, kiu ilin elnaskis. Ĉu oni pensis mil? mil ja rezultas... ĉu milmilionoj? do, milmilionoj. Ha! la arto gajnekollekti monon havas ankaŭ sian estetikon. Estas bonaj kaj malbonaj negocoj, tion oni scias; ankaŭ estas belaj kaj malbelaj. Ŝajnas, ke estas same diri: Li faris bonan negocon, aŭ li faris belan negocon. Tamen, ne estas same. Kiam oni diras pri negoco, ke ĝi estas bona, ŝajnas, ke oni nur celas la rezultaton, ne la procedon. Sprita aŭ nedelikata en sia plano, finita inter tordiroj, faloj kaj falspaŝoj, se la gajnon fine



oni atingas, ĝi estis bona, la negoco! Kiel difere-  
 nce, kiam bone planliniita pri ĉiuj ĝiaj eroj,  
 kombinita per sprita lerteco, eĉ unu detalo ne  
 deflankiĝas de tio antaŭvidita, ĉio trafas sian  
 celon, kvazaŭ altirita de mirinda sorĉo!... Tiel  
 devas esti la belaj negocoj, tiel la miaj estis  
 ĉiam. Mi estis la Byron' o de la Aritmetiko; en  
 ĉiama orgio de milionoj mi elpensis poemojn  
 miregigajn.

Joz. Certe, miregigaj. Kiuj al vi permesos, fine, ku-  
 nigi tiujn du vivojn, kiujn vi nomas paralelaj,  
 en belan kaj realan poemon de amo kaj feliĉo.

EMAN. Jam estas malfrue por mi!

Joz. Ĉu vi kredas, ke estos malfacile al vi trovi tian  
 virinon, kiel Mario?

EMAN. (*Sin levante*). La feliĉuloj certigas, ke tre facile  
 estas feliĉiĝi! Kiel facile repreni brilanton el  
 sur la strato, kiam la piedo ĝin puŝektuŝas!  
 Sensenca frenezulo tiu, kiu elirus ĉiutage el sia  
 domo kun obstino renkontiĝi kun unu! Mi es-  
 tas humila, Jozef-Ludoviko; ĉar mi multe bata-  
 lis kontraŭ la sorto, mi scias ke la sorto estas  
 supera al ni. Neniu fieriĝu pri sia feliĉo. Vanta  
 kaj tromemfida estas kiu kredas ĝin meriti!

Joz. (*Malkonfide*). Laŭ tio... mi ne meritas la mian?

EMAN. Atinginte ĝin, oni povas sin montri inda je ĝi.

Joz. (*Alproksimiĝante al Emanuelo, mallante*). Ĉu  
 Mario havas ian plendon pri mi?

EMAN. Kia ideo!

Joz. Ĝi trafis mian pensadon, mi ne povis ne ĝin el-  
 diri. Ĉar, kiel vi diras, mi ne kredas meriti la  
 feliĉon havi edzine Marion, mi malkonfidis  
 pri mi...

EMAN. Sed vi devas al ŝi konfidi.

Joz. Nu, kelkajn fojojn, mi pensas, ke Mario ne estas feliĉa kun mi. Dio ja scias, ke mi tutkore ŝin amas! Sed, mi ne scias ĝin esprimi! Figuru al vi dolĉeravan melodion en la menso de superrega artisto kaj kiel rimedojn ĝin esprimadi la fingrojn mallertajn kaj tremajn, kiuj frapas sur malagorda fortepiano... kelkafoje mia tuta animo, ravita, iras al ŝi en ekstaza adorado... sed nur mia animo... Ŝi neniam min vidis surgenuan kaj mi ĉiam estas ŝin adoranta! Ne, Mario ne scias kiom mi ŝin amas. Vi havas alian karakteron; mi estas certe, ke vi ambaŭ parolis pri mi. Kion ŝi diris al vi? Emanuelo, ĉu ŝi estas feliĉa kun mi? Se ŝi ne estas, mi promesas min korekti, ĝi ne povas esti pro malbonkoreco, mi ne estas malbonkora, ĝi eble estas pro difektoj, kiujn mi ne konas, pro iaj difektoj, kiujn mi trovas ĉe mi kaj penas venki... pro tiaj aferoj, pro bagateloj, kiujn mi povas eviti... Diru al mi ĉion. Kion mi ne farus por vidi ŝin feliĉan?

EMAN. Kial ŝi ne estus? Difektoj! Kiu ne ilin havas? Ŝi diris al mi nenion. Ŝia plej granda malĝojo, tio estas vin vidi malsaneman; jen la sola afero, kiun mi scias... ke vi ambaŭ ne multe ĝuadas je la vivo pro via farto; ke vi ne iras al amusaĵoj; ke vi ne multe vin rilatas kun la mondomo... Tio ne povas esti motivo por malfeliĉo en edzeco, kiam la edzino, kiel Mario, rezignacias vivadi ĉiamhejme.

Joz. (*Pensema*). Jes, nia vivo ne estas tre gaja.

EMAN. Penu vin animi. Lasu la negocojn, per ili la vivo eluziĝas tre rapide. Ne komencu esti maljuna, kiam Mario ankoraŭ estos juna.

Joz. Vi estas prava. Mi ŝanĝos mian vivadon. Mi

bedaŭras, ke mi jam entreprenis tiun ĉi novan negocon, kiu min tenos senlibere la tutan jaron. Ni kunvojaĝos, oftiros al amikoj, al teatroj... (*Sanceliĝas kvazaŭ atakita de kapturniĝo kaj apogas sin al Emanuelo*).

EMAN. (*Alarma*). Kio estas al vi?

JOZ. Nenio, eksveno... nenio, ĝi jam pasis (*Furioze*). Ĉu vi ĝin vidas? Sana mi estas! Malbeninda farto! Estas pli bone morti.

EMAN. Ĉu vi volas ion?... Ĉu ĝi jam pasis?

JOZ. Jes, ĝi estas nenio. (*Aŭdante ke Mario alvenas*). Mario; ne diru al ŝi eĉ unu vorton, ŝi ne alarmiĝu... Mi jam bonfartas (*Animiĝante*). Tre bone... Donu al mi cigaredon... (*Sin levas kaj promenas ŝajniĝante animitecon*).

## SCENO II

### LA SAMAJ kaj MARIO

MAR. (*Al Emanuelo*). Diru, kion vi volas. La konsento finiĝis ĉe ni. Mi venas vin malpacigi. (*Al Fozet-Ludoviko*). Vi devas riproĉi Emanuelon, sed tre serioze.

EMAN. Bah!

JOZ. Kio estis?... Mi jam supozas, ian novan donacon... (*Al Emanuelo*). Mario estas prava.

EMAN. Mi tuj foriras...

MAR. Haltu!... (*Montrante juvelujon*). Rigardu... (*Al Fozet-Ludoviko*). Mi ne povas promeni kun li, mi ne povas fikserigardi en montran fenestron... Diru, ke li tion redonu, aŭ ni malpacos; ĝi estas malŝparego.

EMAN. Ĝi ja ne penindas paroli. Pinglo, ĉirkaŭmano... Mi ŝatas, ke vi ilin portu hodiaŭ dum la Reĝ-teatra prezentado... Ho ve, mi senvole diris, mi malkovris la konspiraĵon... Mi ĉion diros. Mario sentis ŝatdeziron alesti al la hodiaŭvespera prezentado; ĝi estas nova opero, ekster-abona teatraĵo; mi sukcesis aĉeti loĝion... Mi invitis vian amikinon Emiliinon kaj ŝian edzon; ili traktas min tiel afable...

MAR. Ĉu vi vidas?... Nepre ni malpacas. Mi diris, ke mi ne iros. Mi ne iros. Jozef-Ludoviko venis hodiaŭ matene el vojaĝo, li certe estas laca, ne ŝatos iri teatron, ĉu ne vere?

Joz. Nu, ne. Mi deziras aŭdi tiun operon. Mi aŭdis paroli pri ĝi.. Ni iros.

MAR. (*Gaje*). Ĉu vere vi volas, ke ni iru?... Kiel mi ĝojas! Mi ne kuraĝis ĝin diri al vi, sed mi tre deziris iri hodiaŭ en la teatron; oni diras, ke estos belege... Nu, Emanuelo, nur por tiu ĉi fojo ni ne malpacas, multajn dankojn... De kiam ni ne iris al la teatro? Kiu ĝin scias!... Ĉu la loĝio estas partera, vere?... Mi ekuzos la broĉon kaj la koljaron... Mi nescias kiun veston surmeti...

Joz. Ĉu vi estas kontenta? (*Kun milda mallaŭdo*). Kial vi ne diras ĝin al mi ĉiam, kiam vi deziras iri al la teatro? Kelkafoje vi senigos vin je tiu plezuro!... Vi ne estas por mi malkaŝema.

MAR. Ne kredu, ke ĝi estas por mi ofero. Hodiaŭ vespere mi iros plezure, ĉar vi sanas, ĉar ni iras ĉiuj tri... Irante al teatro malofte, nur iam post iam, tio ŝajnas al ni eksterordinaraĵo: same kiel dum infaneco oni kondukis nin al magia prezentado en kristnaska aŭ noma fes-

to... Ni festos tiel la alvenon de Emanuelo...  
Al teatro! Kiel dum infaneco... Sed ni iras  
nokte kaj al la Reĝa teatro!...

EMAN. Kaj ni ne amuziĝos kiel tiam! Mi eliras kaj tuj  
revenos. Malsuprenirante mi ordonos, ke la  
veturilo estu preta por la naŭa. (*Al Mario*). Ĉu  
vi volas ion? Vi bezonas ian objekton? Florojn?  
Ventumilon?...

MAR. Florojn? Mi havas plenajn la tualetejajn florva-  
zojn... kaj tie ĉi, rigardu. Ĉiumatene li sendigas  
al mi amason da ili... kaj ventumiloj!... Ne,  
Emanuelo vi ja estas tre malbone kutiminta.  
Gardu por tiuj la donacojn, kiuj nur pro ili  
vin amos. Tie ĉi ni donas la amon senpaga.

EMAN. Kiel, do, oni rekompencas la senpagan amon?

MAR. Per amo.

EMAN. Nu, regalmontroj de ~~amo~~ estas miaj donacoj,  
kaj se ili iom valoras, tio estas kiel garantiaĵo,  
ke mi elpagus per koro kaj vivo tiujn, kiujn  
mi ŝuldas, se la okazo ilin elpagi alvenus. (*Fo-  
riras*).

### SCENO III

#### JOZEF-LUDOVIKO kaj MARIO

MAR. Via patrino bone diris! Estas frenezoj de kapo  
kaj frenezoj de koro. Emanuelo estas korfre-  
neza. Bela frenezo kapabla efektivigi ĉion bo-  
nan kaj ĉion grandan, se ĝi trovas okazojn por  
fari! Sed oni ne pretendu enŝlosi tiajn frenez-  
lojn, nek ilin tiri al la prudento kaj mezuro de  
la vulgaranimoj. Kio estus fariĝinta Emanuelo

apud vi? La entreprenemaj impulsoj de lia spirito estus turniĝintaj en mizerajn batalojn kontraŭ la patra aŭtoritateco, en facilanimajn mal-saĝaĵojn neindajn je lia nobla koro. En taŭga medio por elvolvi sian genion, li atingis riĉakiron, ŝatatecon. Kaj fronte kontraŭ sia konscienco, li sciis sin eduki per sia propra konscienco, kiu estas la plej bona edukanto, kiam la koro estas sana.

Joz. (*Ironie*). De kiam vi fordonis vin al tiaj profundesploroj? Ĉu vi kaj Emanuelo komencis filozofian interdiskuton? Rimarkigu, do, al Emanuelo, ke lia tuta filozofio kaj ĉiuj leĝoj inspiritaj de lia konscienco, videble en konsento kun lia konduto, ne povos lin senkulpigi pri tio, ke li maldolĉigis la vivadon de mia patro, ke li mortigis lin per ĉagrenado.

MAR. (*Malplaĉigita*). Jozef-Ludoviko!

Joz. Ĝi estas la vero. Mi ne pretendas, ĉar li atingis la favoron de Fortuno, kiu scias, ĉu alkonformigante leĝojn de sia konscienco al la rimedoj uzitaj por prosperi! ke la sukceso de la kulpo lin absolvu pri ĝi... Sed nur ŝajnas, ke li vin ensorĉis, vi kredas lin supera estaĵo, vi aŭskultas lin kun mirego. Kaj li, sagaca por koni, kie li naskas admiron, per la arta fajraĵo de paradoksoj, strangaj teorioj, absurdaj ideoj, penas, ke vi lin admiru, ke vi lin komprenu, ke vi lin amu... (*Ekmovo de Mario*). Ke vi lin amu!... kaj li ja plej rapide sciis sin amatigi.

MAR. (*Parte ofendita kaj parte dolorita*). Kaj... ĉu vi ĝin bedaŭras?

Joz. Bedaŭri ĝin, ne... Mi bedaŭras... Kion mi rimarkadas ĉe vi, de kiam li alvenis, tio estas,

# Grava Afero

## KONKURSO DE «LA BELA MONDO»

La eldonisto kaj la redaktoro de *La Bela Mondo* decidis malfermi konkurson.

KONDIĈOJ de la literatura konkurso:

1<sup>o</sup> Verki originalan novelon, rakonton aŭ artikolon ilustritan en prozo, kaj skribi ĝin plej legeble nur sur unu flanko de l' papero.

2<sup>o</sup> Sendi, per rekomendita poŝto, la manuskripton al la redakcio de *La Bela Mondo*, D.<sup>ro</sup> Schramm, Dresden-Standehaus, antaŭ la 1<sup>a</sup> de Julio 1909.

PREMIOJ: La ĵugantaro samtempe atentos la elegantecon de la stilo kaj la intereson de la teksto. Ĝi disdonos la sekvantajn premiojn:

**1<sup>a</sup> premio 50 M. (= 25 Sm.), 2<sup>a</sup> premio 25 M. (= 12,5 Sm.)**

La aliaj aŭtoroj de bonaj tekstoj ricevos ĉiu po dek markoj da libroj. La premiiĝitaj tekstoj estos enpresitaj en *La Bela Mondo*. La redakcio konservos por si la rajton, enpresi, post korekto se bezone, la nepremiiĝitajn tekstojn.

## Memorindaj datrevenoj de Aprilo

- 1.—1814. Estas detronigata Napoleono I-a.
- 2.—1791. Mortas la fama oratoro Mirabeau.
- 3.—1682. Mortas en Sevilja (Hispanujo) la mondfama pentristo Bartolomé Esteban Murillo.
- 4.—1900. La anarĥiisto Sipido pafas kontraŭ la princo de Gales en stacidomo de Bruselo.
- 5.—1794. Estas ekzekutata Kamilo Desmoulin.
- 6.—1814. Ludoviko XVIII-a estas proklamata Reĝo de Francujo.
- 7.—1899. Grava brulaĵo en Nov-Jorko de 11- etaĝa domo.
- 8.—1341. Estas kronata en la Kapitolio la fama poeto Petrarca.
- 9.—1906. Alvenas en Mesinon Liaj Mostoj la Gereĝoj de Anglujo.
- 10.—1899. Doktoro Bra sciigas la eltrovon pri la mikrobo el la kankra malsano.
- 11.—1772. Naskiĝas en Madrido (Hispanujo) la fama poeto Manuelo Josefo Quintana.
- 12.—1798. Estas proklamata la Svisa Respubliko.
- 13.—1695. Mortas en Parizo la famkonata fablisto Johano de Lafontaine.
- 14.—1865. Estas mortigata la Prezidanto de U. S. A. Abraham Lincoln.
- 15.—1797. Naskiĝas en Marselja la fama aŭtoro Adolfo Thiers.
- 16.—1788. Mortas en Parizo la fama naturisto Buffon.
- 17.—1790. Mortas la elpensinto de la kontraŭfulmilo, Benjamin Franklin.
- 18.—1886. La pastro Galeote mortigas la Episkopon de Madrid-Alkalá, S.<sup>ro</sup> Martinez Izquierdo.
- 19.—1824. Mortas la glora angla poeto Lord Byron.
- 20.—1856. Mortas la eminenta muzikverkisto franca Adolfo C. Adam.
- 21.—1893. Mortas la geografia esploristo Eduardo Stanley.
- 22.—1889. Unua prezentado de la fonografo de Edison antaŭ la Scienca Akademio de Parizo.
- 23.—1616. Mortas la ĉiekonata hispana aŭtoro Mikaelo Cervantes Saavedra.
- 24.—1564. Naskiĝas la ĉiekonata angla poeto Shakespeare.

- 25.—1595. Mortas en Romo la glora itala poeto Torkuato Tasso.  
 26.—1896. Grava brulajo de 150 domoj en Cripple-Crook (Kolorado).  
 27.—1881. Mortas en Parizo la fama gazetisto Emilio Girardin.  
 28.—1881. Mortas en Frankfort la kemiisto Bottger, eltrovinto de la *Colodion*.  
 29.—1429. Eniras en Orleans'on la heroino *Johanino de Arco*.  
 30.—1906. Alvenas en Gibraltar'on, reveninte el Hindujo Liaj Moŝtoj la Geprincoj de Gales.

Kolektis kaj tradukis,  
 ESP-ISTO 17.206,

## PENSOJ

La vero eniras en reĝajn palacojn, kiam oni disbatas iliajn pordojn.—*Barrere*.

Kiam ni estas kun amiko, ni estas nek solaj, nek du.—*Barthelemy*.

Kiuj malŝatas virinon, ne komprenas ŝin.—*Basora*.

La profunda studo pri modo, estas la literaturo ĉe la virinoj.—*Beauchene*.

Imitado supozigas ĉiam malsuperan talenton en imitanto.—*Bello*.

La virino estas miksaĵo de singardemo kaj malsingardemo; de virto kaj malvirto; de boneco kaj kolero; de ambicio kaj malavareco; de malforteco kaj forteco.—*Bescherelle*.

Sufiĉas esti viro por esti bona patro, kaj estas necese esti bonulo por fariĝi bona filo.—*Blanchard*.

Estas pli da nobleco kaj animgrandeco en pardono, ol en venĝo.—*La Sama*.

Malspritulo trovas ĉiam pli malspritan viron, kiu lin admiras.—*Boileau*.

Kiam la konstitucio de ŝtato estas enigmo, ĝia estonto estas problemo.—*Bonala (Vicgrafo)*.

Lukso estas nur malriĉeco de altranguloj.—*La Sama*.

## Sciigoj

### EL HISPANUJO

En la Belarta Klubo de Madrido jam komenciĝis kurso de Esperanto.

La Delegito de U. E. A. en Zaragoza estas S.<sup>ro</sup> Antonio Cruz, kiu loĝas strato Azoque, 16, 2.<sup>o</sup>

### DE ESPAÑA

En el Círculo de Bellas Artes de Madrid ya ha empezado el curso de Esperanto.

El Delegado de la V. E. A. en Zaragoza es D. Antonio Cruz, que habita calle Azoque, 16, 2.<sup>o</sup>



Malĝoje ni ricevis la sciigon pri la morto de nia juna kunbatalanto Honorato Almiñana Ferrer, voĉdonanto de la Komitato de la Grupo de Simat de Valldigna.

Al lia nekonsolebla familio kaj kungrupanoj ni sendas la esprimon de nia vera kondolenco.

En Barcelono oni fondis novan grupon «Paco kaj Libereco» aliĝinta al jam ekzistanta kaj titolita «Tero kaj Libereco».

Ciumerkrede vespere la Esperantista Grupo de Palma donas senpagan kurson de Esperanto al siaj membroj; la profesoro estas S.<sup>ro</sup> José Rosselló.

Dank' al la varmaj klopodoj de nia kara amiko S.<sup>ro</sup> M. Millán fondiĝis grupo esperantista en Alcañiz (Teruel), kies direktan komitaton ni publikigas alialoke. Ni sincere gratulas S.<sup>ro</sup> Millán, kiu tre praktike montras sian sindonecon al nia afero.

Rogamos á todos los esperantistas españoles que todas las noticias de propaganda las envíen directamente al señor Secretario de la «Sociedad Española», *D. Ignacio Casas, Puebla, 23. — Burgos.*

Con tristeza recibimos la noticia del fallecimiento de nuestro joven compañero Honorato Almiñana Ferrer, vocal de la Junta del Grupo de Simat de Valldigna.

A su inconsolable familia y consocios enviamos la expresión de nuestro verdadero pésame.

En Barcelona se ha fundado un nuevo grupo «Paco kaj Libereco» aliado al ya existente y titulado «Tero kaj Libereco».

Todos los miércoles por la noche el Grupo Esperantista de Palma da un curso gratuito de Esperanto á los socios; el profesor es D. José Rosselló.

Gracias á los fervorosos trabajos de nuestro querido amigo D. M. Millán se ha fundado un nuevo grupo en Alcañiz (Teruel), cuya Junta directiva publicamos en otro lugar. Sinceramente felicitamos al Sr. Millán, que prueba practicamente su adhesión á nuestra causa.

## Sprituldoj kaj Diversaĵoj

### PORTRETO (Anekdoto)

La fama pentristo Leon Bonat, kies portretojn oni pagis al li tre malavare estis iam trinkante en la nura gastejo de ia normanda vilaĝo, kiam iu el la ĉeestantaj kamparanoj alparolis lin.

—Certe, Sinjoro ke vi estas najbara bienulo.

—Ne—respondis la artisto.—Mi estas pentristo. Mia specialeco estas la portretoj.

—Ha!—ekkriis surprizita la alparolanto.—Ĝuste, morgaŭ estas la nomfesto de mia edzino, se vi farus mian portreton por surprizi ŝin...

—Kial ne?—diris Bonat, ridetante.

—Sed, diru: Kiom kostos al mi la portreto?

—Kiom vi pensas pagi por ĝi?—demandis Bonat gaje.

—Do... Unu frankon kaj duonon.

—Konsentite.

Kaj la bonhumora pentristo prenis kraĵonon, desegnis al li la portreton, kiu mirigis la akompanantojn de la originalo.

La kamparano pagis; li foriris kun siaj amikoj kaj preterpasante poste flanke de malfermita fenestro post kiu estis la pentristo, tiu ĉi aŭdis la jenan dialogon:

—Rigardu, kiel perfekta estas via portreto!

—Jes, sed mi estis simplulo. Se mi estus proponinta por ĝi pli malgrandan prezon, eble ĝi nur estus kostinta al mi unu frankon!

## INKOGNITAĴO

E	J	U	P	L	A	T	R	O	E
K	I	U	F	A	R	I	D	A	N
E	N	L	A	D	O	M	O	Ĉ	E
M	A	R	T	E	L	O	P	L	I
Ĉ	I	O	K	I	R	A	S	O	J
L	I	Ĉ	I	E	L	B	U	L	O
T	A	P	I	Ŝ	O	K	I	A	M
O	F	E	R	D	E	K	O	K	E
M	O	N	O	F	R	E	N	E	M
A	L	M	O	Z	U	L	O	J	E

Tonu la ĉi supran kvadraton laŭ tri pecoj sub la jenaj kondiĉoj:

Unu el tiuj pecoj devas havi la formon de *litero* el nia alfabeto kaj la literoj, kiujn ĝi entenas, legataj laŭ horizontalaj linioj esprimos:

PROVERBON

*Kiu kaj kie estas la litero?*


## HIEROGLIFO

e n

*Rimarkoj.*—La solvojn de tiuj ĉi *Sprituldoj* ni presos en nia venonta numero. Ni publikigos la *nomojn de la solvintoj*, (kiuj ĝustatempe sendos sian solvon), en lapostvenonta numero.

La solvoj devas esti sendataj poŝtkarte.

Solvoj de la *Problemo de la punktoj*:



(La blankaj punktoj montras tiujn, kiujn oni forigas).

32 punktoj, kiuj restas, kaj.

$\frac{7}{7}$  » esprimantaj.

Sumo = 39

De la *Hieroglifo*: (S-Pes-Milo) Spesmilo.

### KURIOZAĴO

Homo, kiu piedirus senhalte tage kaj nokte ĉirkaŭirus la terglobon en 428 tagoj.



### SPRITAĴO

*Dialogo inter pordistinoj.*

—Ĉu estas vere ke la posedanto de tiu ĉi domo frenezigiĝis?

—Ho! Jes, tute certe! Hodiaŭ matene oni kondukis lin en la frenezulejon.

—Per kio li elmontris sian frenezigon?

—Per tio, ke li malaltigis la luprezojn de siaj loĝejoj.



### UTILA KONINDAĴO

La oleo ne ranciĝas se oni enverŝas en la oleovazon iom da bona konjako aŭ brando de supera kvalito sen anizo. Tiuj ĉi likvoroj, same kiel ia ajn simila, formas sur la oleo tavolon, kiu nebligas la kontakton kun la aero, kio estas la kaŭzo de la ranciĝo.

### PENSO

Beleco estas tio, kion naturo unue donaeas al la virinoj, kaj ankaŭ tio, kion unue ĝi al ili forprenas.—*Mère.*



### MEMORINDA DIRO

La filozofa aĉetis postpagotajn ŝuojn. Kiam li aliris por pagi ilin vidis la butikpordon fermita pro morto de la ŝuisto. Li tiam foriris kaj subitpense intencis prigi al si la monon kaj la ŝuojn, sed tuje kontraŭargumentis tian penson iaj sentoj de konscienca riproĉo. Pripensante sian maljustecon li reiris al la butiklo enmetis la pagmonon tra la subfendo de la pordo kaj diris:

—Tiu homo, kiu mortis por la ceteraj ankoraŭ vivas por mi!

Tradukis esperanten,

*Novejarque (Angelo).*

## ANONCOJ

La fervojaj oficistoj, kiuj intencas ĉeesti en la V<sup>a</sup> Kongreso, en Barcelono, estas petataj sendi ilian adreson al S.<sup>ro</sup> Berlande, 4, rue Cottreau, en Villeneuve-Saint-Georges (Seine et Oise), Francujo, en la celo aranĝi apartan kunvenon de fervojistoj dum tiu Kongreso.

S.<sup>ro</sup> Gabrielo Alomar, Vallori, 14, *Palma de Mallorca* (Hispanujo) deziras interŝanĝi poŝtmarkojn kaj poŝtkartojn kun fremdaj geesperantistoj.

Londona agenteo havante oficejon deziras reprezenti alilandan firmon, ne alkoholaĵoj; bonaj referencoj. The Ronds Agency, 87. Finsburg Pavement, London, E. C.

FAVORATA KANTO

## MI AŬDAS VIN

Meza voĉo.—Muziko de Herbert Harris.—Poezio de Dro. Leono Zamenhof  
70 Sd.—5 ekzempleroj: 3 Sm.

*Herbert Harris.—730 Congress St., Portland, Maine, U. S. A.*

## MALNOVA FIRMO J. CLAUSOLLES

ORTOPEDIO, ĤIRURGIO, HIGIENO. KAŬĈUKAJ OBJEKTOJ KAJ ANTISEPSAJ  
KOMERCAĴOJ

Firmo fondita en la jaro 1830

Magazeno: *Strato Sankta Ana, 30. Barcelona.*

### FILIOJ

Fernando VII, n.<sup>o</sup> 8. *Barcelona.*

Rambla del Centro, n.<sup>o</sup> 27. *Barcelona.*

Carretas, n.<sup>o</sup> 35. *Madrid.*

Velázquez, n.<sup>o</sup> 17. *Sevilla.*

San Vicente, n.<sup>o</sup> 6. *Valenciá.*

## ENCICLOPEDIA ESPASA

Enciclopedia Universal Ilustrada, que ha obtenido el GRAN PREMIO en la  
Exposición Hispano-Francesa de Zaragoza.

La más completa de las publicadas hasta el día.

Dirigirse para suscripciones á los Sres. Espasa é Hijos, Cortes, 579, Barcelona.—  
Representante en Valencia: Francisco Melo, Cirilo Amorós, 24.

¡¡*Todo el mundo puede ya aprender el Esperanto!* por medio de la obra que  
acaba de publicarse titulada

## EL IDIOMA INTERNACIONAL AUXILIAR ESPERANTO AL ALCANCE DE TODOS

POR

**Fernando Soler Valls**

*Oficial de Telegrafos, Presidente del Grupo Esperantista de Enguera*

140 páginas de texto.—Precio: 1'50 pesetas.

De venta en las principales librerías y en casa del autor, *Enguera* (Valencia).